

que ne soyent Venesiens, ou se face larecin ¹ ou sanc ou murtre, la notre royal haute court la rason en fase. Encement se entre le Venesiens que les deus parties soyent Venesiens, se faze murtre ou larecin, la rason de ce en la notre royal haute court se faze. E se contens sera entres dous Venesiens et que Venesiens ne soyent per acorder les ensemble, per la rason de l' arcevesque de Sis se faront e s' adreront. E les Venesiens seront tenus, se nul des Venesiens yssent de leur comun, tant tost nous le feront a savoir; « Tels est paroir de notre comun », e nomer leur noms, que nous leur puisons savoir. E se le Venesiens faront nule faute as homes demorans en notre tere ou a autre estranger, le comun doit amender le damage qui sera fait, sauve ceaus homes qui ne demuerent in Venise ou en autre lieue que le poer de Venise ne se peut joindre, et que riens de sa mercandie ne doit aler avec Venesiens, e ne soit son leing armé de deniers de Venesiens, la defaute que avendra, [le] comun ne sera riens tenus de payer nous, car nous et eaus nous acorderons. Mais se il avient que l'ome entre arieres au poer des Venesiens, il nous doivet rendre l'ome, qui nous payés soyons notre damage. — Ensement se nul home demeurant en notre tere vodra riens prester [ou] recomander as Venesiens deniers, doivent faire primierement a saver au bail des Venesiens: se le bail [dit] que l'ome est bon et coneu, e que il die prester ou recomander, il li prestera ou recomandera, e notre [chevitaine] fera escrire [le fait au cartulaire] e prendront cartre de bail por ce fait; mais ce [le] bail die que l'ome soit trobolior et laron: « ne le prestes, [ne le recomandes; sur ce] se il i prestant, bien [li² en conveigne]. — Ensement se fors de Layias par toute Ermenie vodront aucuns riens preunter ou recomander as Venesiens, les cheveitanes dou leuc les doivet mander devant le chevitaine di Layas et devant le bail, e que ceaus [deivent regarder] leur fait se il sera en prest....., e que il soit [escriit au cartulaire], e prendre cartre dou bayl. — Et nos otroyons et donnons une yglise en la cité de Layas as Venesiens, e que il teignent prestre en remembrance de nous et de nos mors, a servir la dite yglise. E le maisons que notre père leur avoit doné, nous

1 larasin.

2 leur.